



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

39. de subiectiua potentia actus.

urn:nbn:de:hbz:466:1-38840

EPI TOM E
DE SVBIECTIVA
potentia actus.

DISTINCT. Trigesimænonæ
CAP. Primum.

In voluntate est peccatum.

PEr voluntatem quandoq; intelligimus potentiam volendi, aliquādo actū eiusdem potentiaē. Potentia autem naturaliter animæ insita nūquam peccatum est, sicut nec vis memorandi vel intelligendi, sed actus huius potentiaē, qui & voluntas dicitur. tunc peccatū est, quādo inordinatus est.

CAP. Secundum. *Peccatum non est in aliis potentiis.*

ET si voluntatis actus quandoque peccatum sit, non tamen actus aliarum potentiarum, scil. intellectus & memoria peccata sunt: quia alterius generis est actus voluntatis, quā actus memoriae & intellectus. hic enim actus est ad aliquid adipiscendum, vel non admittendum, qui non potest esse de malis, quin sit malus. velle enim mala malum est: sed intelligere vel memorare mala malum non est. Quauis eorum quidam etiam hos actus malos esse interdum non improbè asserāt. Memorat enim interdum malum quis, vt faciat: & quærit intelligere verum, vt sciat impugnare.

CAP. Tertium. Eadem est voluntas
 quæ naturaliter vult bonum, &
 repugnat bono.

Ro. 7. **Q**uomodo intelligendū sit illud, quod
 Ambrosius ait exponēs illud verbum
 Apost. Non enim quod volo illud
 ago, sed quod nolo illud facio. Dicit enim
 quod homo subiectus peccato, facit quod
 non vult: quia naturaliter vult bonum. an er
 go eadem sit voluntas, siue idem motus, quo
 libenter peccato seruit, & quo naturaliter
 vult bonū? Quæ quæstio profunda, est & à di
 uersis variè determinata. Alij enī dicūt duos
 esse motus: vnū, quo vult bonum naturali
 ter, quia in sua prima cōditione rectus crea
 tus est (vt dicit August. de fide ad Petrum)
 Aliū autem dicunt motum esse, quo mens
 relicta superiorum lege, subiicit se peccatis,
 eis que oblectatur. Vterque tamen ex libero
 arbitrio. Veniente ergo gratia malus elidi
 tur, & alter naturaliter bonus liberatur, &
 adiuuatur vt efficaciter bonum velit. Ante
 gratiam verò licet naturaliter velit homo bo
 num, non tamen absolutè cōcedi oportet bo
 nam habere voluntatem, sed potiùs malam.
 Alij autem dicunt vnā esse voluntatem, id
 est vnum motum, quo naturaliter vult ho
 mo bonum, & vitio vult malum, eo que de
 lectatur: & inquantū vult bonum, natura

Augustino

f. 134. b.

Optimo

7^a

liter, bonus est & iniquitatum malum vult,
malus est.

DE ACTIBVS EX-
terioribus.

DISTINCT. Quadragesimæ
CAP. Primum.

*Actus exteriores ex voluntate bona
vel mala speciem
accipiunt.*

*De causis
actus ex-
terioris.*

Licet secundum quosdam omnes actus
boni sint, inquantum naturaliter sunt,
non tamen absolute dicendi sunt om-
nes boni: quoniam & quidam sunt simpli-
citer mali. Nam simpliciter sunt boni actus
illi, qui bonam habent causam & intentio-
nem. i. voluntatem bonam comitantur, & ad
bonum finem tendunt. Mali vero simplici-
ter dicuntur, qui peruersam habent causam
& intentionem. Vnde Ambr. ait: *Affectus*
tus operi tuo nomen, imponit. & Christus
in Euang. Non potest arbor bona fructus
malos facere, &c. Nomine autem arboris vo-
luntas intelligitur, quæ si bona vel mala fue-
rit, bonos vel malos fructus facit.

*Lib. I.
offic. c.
30.
mat. 7.*

CAP. Secundum. *Non omnes actus
sunt indifferentes ad bonitatem
vel malitiam, sed qui-
dam sunt per se
mali.*